

楊襄毅公本兵疏議

楊襄毅公本兵疏議卷之二十二

覆山西查盤御史武尚賢條陳邊政疏

少傅兼太子太傅吏部尚書管理兵部事臣楊博等

謹

題為遵奉勅諭條議邊務事宜以清夙弊以裨

國計事職方清吏司案呈奉本部送戶科抄出巡按山

西等處監察御史武尚賢題奉

聖旨該部知道欽此欽遵抄出送司案呈到部看得巡按
山西等處監察御史武尚賢所陳定召募汰老弱清
幼軍議武舉四事俱於邊務有益合就開立前件議

擬上請定奪隆慶五年八月二十五日題奉

聖旨依議行欽此

一定召募正軍名以杜侵冒看得御史武尚賢題稱三鎮軍士率多應充祖名食糧本身姓名漫無稽考以致無藉之徒覘名冒頂隨逃隨補隨有隨無至於召募之法尤啓逃移之弊緩時則報官食糧急時則坐家稱逃有一軍而應二三名者有一月而串二三營者或假借頂役或雇倩應名或那東補西或逃久作新任其蒙蔽莫可究詰大率謂禁逃徒當慎召募之術定卒伍當正軍士之名各一節合無依其所擬

備行宣大山西督撫官督同守巡兵備各道嚴行各該將領等官即將各營見在軍士上造祖名下造本身的名年貌疤痕籍址定立格眼冊式俱用一手填註用印鈐蓋永為遵守如有逃故嚴行勾補必清勾已絕緝逃不獲方行勾補其召募之人務審鄰佑旗總立為保伍之法互相覺察若有別營逃軍查出從重遠遣以警奸頑仍嚴行各將領不許私自召募放糧之日分委文職官員定於一日公同該堡官攢隊唱名給散如年貌不對點名不到者即將糧銀扣除還官仍要追究下落併治將領以杜侵欺之弊

一汰老弱以濟實用看得御史武尚賢題稱嘉靖三十四年議准宣大額軍八萬名馬三萬匹在三關原無定額稽其歷年軍止五萬馬不過二萬後大同新召軍一萬名增添年例銀一十一萬有餘今查新軍有名無實前銀似涉冒濫况揀汰過老弱幼小殘疾等項于八萬之定額尚餘四千六百名不為不多則召補可止而十一萬之年例可以議減或省過半宣鎮三關未過原額所汰名數應否革除以省年例各一節考覈精嚴誠足以節省糜費但年例銀兩遽欲減除恐戶部會計既定以後再難更動事體頗重理

當詳慎合無咨行宣天山西督撫等官會同御史武
尚賢再加酌議要見大同鎮新軍應否革除近汰過
三鎮老弱等項名數應否免行召補原增年例銀兩
應否省發嘉靖四十四年會計里否於今相宜宣鎮
三關之兵既稱未過原額所汰之數作何清補逐一
計處停妥會本回奏

一清幼軍以革冒濫看得御史武尚賢題稱邊方軍
士陣亡例收幼軍給糧以示優恤近來法久人玩滋
弊多端或本軍已故而朦朧領糧或幼子已長而改
充別役或傳續本宗或轉賣異姓甚有嘉靖二十七

年原收幼軍迄今尚食優給如羽相等誠當通行查
革合無依其所擬咨行宣大山西督撫官會同御史
武尚賢查照所議嚴督該守巡兵備等官各將所
管城堡見在幼軍細加查覈要見見在食糧三斗六
斗者各若干某人的係近年陣亡軍士果年未長成
者准其照舊優養若年已長成者即令着伍收給全
糧如無明文并年歲不對老幼不同者通行裁革以
後遇有新收紀錄優養者務要查明正軍陣亡地方
時日方許造冊食糧俟其長成卽與收伍操備若衛
所官員敢有隱蔽不報及各軍仍前冒濫者查出從

重叅究坐贓治罪

一議武舉加米以裁冗費看得御史武尚賢題稱嘉靖二十九年議准中式武舉俱各陞級加米加職若有犯改任帶俸閑住者不論職分崇卑所加職米照例革去委用之後若五年滿日另改別鎮又至五年通無軍功又無薦舉及年老殘疾者照例即將所加米石停止今三鎮武舉不論見任空閑無功有罪年老殘疾年月久近甚有革任閑住者有犯贓問革者槩支武舉糧米每月三石深屬冗濫欲將初中武舉糧米止給五年其已經委用者自有見任俸廩原食

武舉糧石應行停止併見今一應廢閑老疾冒食原
加糧石盡行革除各一節為照武舉中式月給米石
以示激勵之典革任帶俸閑住與委用無功又無薦
舉及年老殘疾並未及五年生事擾人者俱革去米
石以昭懲創之義自嘉靖元年以來著在令甲原不
相掩乃今革任問革等項人員一槩支米法紀有乖
委當申明釐正合無斟酌所擬備行九邊十三省督
撫等官通將新舊武舉官見存者逐一嚴查要見某
人係革任帶俸閑住某人係委用無功又無薦舉某
人係年老殘疾某人係未及五年不自愛惜生事擾

入自何年月日冒支月米起應該追納還官某人脩
職無過不該革米各另造冊一本送部查考在南京
者行南京兵部查考以後如敢隱情朦朧冒支米石
總督撫按官徑自查明究治

覆薊鎮查盤御史余希周等議處戍兵疏

題為遵 明旨據愚見條陳薊鎮事宜以少裨邊方大
計事職方清吏司案呈奉本部送兵科抄出巡按直
隸監察御史余希周題奉

聖旨兵部看了來說欽此議覆聞又奉本部送兵科抄出
總督薊遼保定等處軍務兼理糧餉兵部右侍郎兼

都察院右僉都御史劉應節題為懇乞

天恩俯容入衛兵馬番休以甦疲鎮事與巡撫順天右僉都御史楊兆題同前事俱奉

聖旨兵部知道欽此通抄送司案呈到部看得薊鎮兵馬國初額設十萬名為主兵自嘉靖庚戌之變添調各邊入衛兵馬共一十四枝名為客兵初意以練主客為經調客兵為權非專恃客兵以為常也迨今二十餘年訓練之方雖無歲不講竟無實用方議減西兵即議添南兵紛紜擾攘何時而已夫燕趙之人素稱驍健昔人用之北拒強胡西當秦晉南卻楚東威齊

向有成古今天下一人也何獨今日之不然耶大
小邊臣受直急事責自難辭今據總撫巡按官具題
前因在監察御史余希周議客兵其說有二一則要
選定一營常川在薊駐劄其千把總官比照調衛事
例量為優處隨軍同駐一則安限以三年為度見面
更代馬匹器械不必更易書令前班將領收貯交付
後班其行月二糧通從薊鎮支給換班之日截日開
除是蓋欲蘇息客兵即為漸處主兵之計在總督劉
應節巡撫楊兆總兵官戚繼光議主客兵其說亦有
二一議蘇客兵則欲將延綏衛兵四枝分為兩班一

在薊門一在本鎮各以十一月中旬起程至歲暮還家着役互相更換寧固二枝一體施行仍免其工作加其犒賞調停本折以示優恤一議足主兵則欲盡北直隸州縣照丁地出兵一應糧差盡行蠲免若有不可免者灑派各省或以天下之力協濟各該有司惟以興學勸農治盜理訟為職無復催科使百姓皆兵為策之上其次則照御史余希周所議留客兵一枝常川駐薊安插又欲分差御史數員清理逃軍勾選壯丁設立營房安插及補南兵善守其益有六願罷山東民兵一枝欵取工食以養贍五千并見在三千

為三營以守為戰是蓋欲專足主兵以為漸減客兵之謀臣等反覆參詳無非以剏鎮密邇

陵京根本重地衛兵決不可減為此萬不獲已之計除北直隸八府三丁抽一變民為軍難以輕議外所據議常戍客兵議輪戍客兵議清理主兵議添調南兵四事合就開立前件議擬上請伏乞

皇上俯賜

勅下各該督撫總兵官刻期舉行務臻成效通候閱視大臣至日從實具奏隆慶五年八月二十七日題奉

聖旨依擬行欽此

一議常戍客兵臣等看得陝西宣大遼東之軍雖俱近邊足以當虜然陝西去薊鎮為遠遷家改籍人情恐難為遼東則去薊為近宣大次之合無照依御史余希周所擬備行薊鎮總督官劉應節會同宣大遼東各督撫官備查各入衛兵馬常川在薊駐劄果否便益如果諸鎮盡皆稱便即令以隆慶六年正月為始定為額數或於各兵戶族子弟衆多者選取其人或自願來薊者聽從其便許令攜帶家室沿途應付口糧到薊之日量給安家銀兩撥與空闲田地蓋與營房每月仍兼給行月二糧各一分冬衣布花照

例支給聽戶部分行原衛將本軍應得月糧布花馬
匹料草扣解薊鎮改入該鎮會計數內各軍常川在
薊防守不必輪班更換其千把總官亦照調衛事例
量為優處將領本部銓補日後如軍有逃亡仍行原
鎮勾補馬匹倒死器械損壞即從薊處給不必年年
累及各鎮或令入衛各兵許其攜帶家室來薊住劄
限以三年為度見面更代馬匹器械不必更易貴令
前班將領收貯明白交與後班其行月二糧通從薊
鎮支給換班之際截日開除以上二事不知何者為
便何者不便此外或別有長策作速議明畫一具奏

不得遲回兩可致悞邊計

一議輪戍客兵臣等看得延綏客兵四枝寧夏固原二枝防秋防春防冬大率二年方得一歸不勝客久資費之苦新到一枝數月一歸又不勝其在途往返之勞其軍門存留標兵九百五年始一回衛尤為狼狽督撫官劉應節等欲要分為兩班似為有理但查延兵四枝防春一枝防秋三枝各二千二百名通計止八千八百名節奏

欽依減削已定若使每枝各足三千則一班二枝共該六千兩班四枝共該一萬二千本欲議減數反加多人

情事體均為未便合無斟酌所擬自今歲為始將延
綏衛兵四枝寧固二枝各分為兩班每歲在薊者即
以十一月中旬放還期至歲暮抵家在延綏寧固亦
以十一月中旬起程至歲暮抵鎮不必見面交代前
項兵馬務選精銳每枝仍舊二千二百此外再加兵
四百五十更代標兵與同大營一體往還其原留備
冬兵馬薊鎮督撫官暫撥標兵代之各兵至薊之日
專一訓練悉免工作舊規犒賞銀七錢再加三錢共
一兩上下半年分為二次支給但有馬死者通支本
色行糧以恤其困

一議清理主兵臣等看得北直隸八府三丁抽一之說既研施行清勾一節自難終已先年雖經題奉

欽依巡按御史領有專

勅兼理清軍緣巡按職務浩繁未免兩相妨廢合無斟酌督撫官劉應節楊兆總兵官戚繼光所擬先將山東河南山西陝西北直隸南直隸江北六處各差御史一員或就令巡鹽巡茶屯田御史領

勅帶管無論原是何省何衛軍人盡數清出改發薊昌二鎮不必拘妻不必僉解但得軍至五百名或千名以上即編行伍肅隊而來在籍則着落戶人厚貼軍費

遷則請給糧餉置立營房俟安插既定漸次搬取
家口仍嚴復逃之令議優卹之法務令得所一面移
文各省撫按官將應發邊衛充軍人犯照依節奉
欽依事理盡發薊鎮由本部定衛者一體於薊鎮查發應
差御史移咨都察院查照奏請

一議添調南兵臣等看得南兵之不敢輕調者其說
有三一則恐其奸淫騷擾二則恐其風土不宜三則
恐其原未見虜乃今督撫官劉應節楊兆俱言可用
總兵官戚繼光言之尤詳任之尤力大率謂今募南
兵專為守臺一到即發臺上經年以臺為家相去人

煙既遠又無壘市交易有何騷擾有何奸淫又謂南兵在薊已經三年風土儘宜又謂黃崖義院等口屢被屬夷侵犯守墩南兵每成堵回之功若使見虜必能大戰且計算南北客兵人馬所給南兵省而北兵費計算南北客兵道路所給南兵舟而北兵馬了了可據臣等又與原任總督譚綸面相商確綸深以繼光之言為然艱大之責既付之於督撫總兵其所曲畫若一不之聽于後地方談事必將有詞可諉合無稍候防秋畢日于由西二路副將內聽劉應節定委一員見在南兵內有願回者押遣回還一名仍補一

名再於寧紹金日四府選募六千名移文浙江巡撫
都御史于庫貯減兵銀內每名給安家銀五兩沿途
不給行糧到薊之日備查客兵原分地方照數更替
南兵添一名則邊兵減一名即以邊兵糧章作為南
兵工食新舊三以共九千名合用將領聽戚繼光查
取素能練兵官員開送督撫衙門具題推用其山東
民兵免其赴邊不論馬兵步兵每名每歲折銀二十
四兩解送薊鎮專備南兵支用不知果否相應合行
山東巡撫都御史梁夢龍督同各兵備道或應從宜
折銀或應照舊赴邊計處停妥具由回奏

覆給事中侯于趙請禁私借勘合疏

題為時弊沿襲小民貧困懇乞

聖明加意蘇息以固邦本以隆至治事車駕清吏司案呈
奉本部送兵科抄出兵科給事中侯于趙題奉

聖旨該部知道欽此抄出送司案呈到部看得兵科給事
中侯于趙題稱前因為照改關文為勘合本為蘇息
驛傳行之歲久弊孔百出臣博項以奉

召北來途次所經耳目之覩記濫觴之害悉如給事中侯
于趙所陳以故入部閱月日與該司郎中講求其故
大率部中所發謂之內勘合雖有借名俱准

在京府部院寺次牒自亦有數在外總督撫鎮巡按
等衙門所發謂之外勘合外勘合則公差者十之三
四私借十之六七也且經年累月全然不繳何從稽
考該科謂清其源從在本兵不輕發勘合臣等謂欲大
清其源在本兵少發外勘合蓋發之既少則本衙門
差遣尚恐不敷何暇假借火牌又在勘合之外火牌
既多勘合自有餘剩因而得以假借又一節但差人
於本境鄰境不用勘合火牌止用馬票尤當通行釐
革合無在京行府部寺等衙門非有真正公差不得
移文過部即使過部本部亦不許輕給勘合在外行

總督撫鎮巡按衙門非有真正公差，不許借給勘合。仍要照例年終類繳本部，先將以前勘合逐一清查。自本年九月以後，每衙門舊給五十張者止給二十五張，舊給二十張者止給十張，舊給十張者止給五張。其火牌非遇有報軍情，不許擅用。自行馬票盡數剝革在京齎。

勅舍人照舊從錦衣衛開送姓名到部，方准夫馬廩糧悉照判定條例，不得多加一人一馬。仍通行兩直隸十三省撫按官，坐承文賢能官設法稽查，或假借勘合或多添夫馬應送同者，徑自舉問。應奏者指名奏。

伏乞

聖裁隆慶五年九月初五日題奉

聖旨是欽此

覆陝西總督都御史戴才恭報甘肅脩邊功賞疏
題為恭報原議極衝邊牆工完甄敘效勞文武官員事
職方清吏司案呈奉本部送兵科抄出總督陝西三
邊軍務都察院右都御史兼兵部右侍郎戴才題奉
聖旨兵部知道欽此欽遵抄出送司查得原任都御史王
輪原係致仕不係開仕案呈到部看得總督陝西右
都御史戴才題稱脩完甘肅鎮羌莊浪等處邊牆墩

堡各該文武官員效勞除巡撫都御史楊錦心切為國志在籌邊遵例不敢薦揚外乞將副使劉時舉太僕寺少卿兼陝西按察司僉事胡維新左叅將李世威分別優賞守備呂憲陳輔千總指揮薛如王防守百戶李崇義量賞千總指揮蔣輔國防守指揮吳希賢朱臣百戶艾臣行總督衙門量賞遊擊徐謹酌量推用及稱先任巡撫甘肅都察院右僉都御史今陞兵部右侍郎石茂華博採群情首昌脩邊之議繼任巡撫甘肅都察院右僉都御史今致仕王輪激勸夫衆特弘保障之圖似應特加優異惟復仍行巡按御史

覈勘各一節為照甘肅一鎮孤懸河外而鎮羌莊浪等處番虜交馳尤為要地前項牆墩乃能築完二百五十餘里各官督理之功委可嘉尚既該彼處總督官戴才甄別前來係干激勸相應通行議擬合候

命下將楊錦石茂華王輪重加賞賚劉時舉李世威胡維新同加賞賚呂憲陳朝薛如玉李崇義量加賞賚徐謹酌量推用蔣輔國吳希賢朱臣艾臣本部移咨總督軍門分等獎賞其原議應築應脩未完工程行令各該管工人員上緊脩築完報一面移咨都察院轉行甘肅巡按御史將脩築過邊牆等項工程并用過

錢糧各數目覈勘明白造冊奏繳青冊送部查考隆慶五年八月三十日題奉

聖旨楊錦石茂華王輪各賞銀二十兩紵絲一表裏劉時舉李世威胡維新各十兩呂憲陳輔薛如玉李崇義各五兩其餘依擬欽此

覆巡撫山東都御史梁夢龍等計處島民疏

題為計處海島逋逃以杜讐孽以靖地方事職方清吏司案呈奉本部送兵科抄出巡撫山東等處地方兼督理營田都察院右僉都御史梁夢龍題據山東布政使司呈蒙臣批據山東按察司巡察海道副使等

臣彥呈前事蒙批遼人雖係避荒戀居海島非為負
險逆命但歲久漸繁不還故土土著又交通欺壓往
往激為盜竊若不為處置近海地方未免多事據呈
條議切當具見遠識三策終以何策為長仰布政司
會同按都二司并巡察守巡海右三道酌議歸一作
速通詳以憑具題繳行間又蒙批據山東按察司分
巡海右兼整飭青州兵備副使潘允端呈前事蒙批
仰布政司會同按都二司覆議通詳繳依蒙會議開
坐議疏緣由到臣會同巡按山東監察御史張仕佩
議照山東青萊登三府海面大小共二十島屬萊州

七屬登州者十二除長山島二百餘家其餘多者五六十家少者一二十家至少者四五家如沙門等島原係各縣里社地方先年百姓逃亡盡絕嘉靖三十二年以來遼東避荒脫役之人陸續越海潛住其中耕田捕魚苟全性命向使巡察海道備倭都司巡船歲脩巡規不廢隨住隨逐豈能停留緣惜小費而盡壞巡船文無事而盡廢巡視以致潛住日久生齒日繁年遠官更莫可究詰據今盡數查出男婦老幼不下三千名口地利有限全靠採捕魚蝦貿易米布以供衣食比歲沿海土著憑陵抑勒無所不至沿海巡

哨卡才官兵又陽驅而陰索之其欲無饜以致漸起
釁端敢于為盜或乘夜登岸搶人糧米或于洋中奪
人魚船然止為劫財不敢傷人歲僅一二次屢作貧
悍為盜者少安分住過者多島雖二十勢非死黨一
遇官司追呼對證群至俯伏不敢抗違此遼人之情
狀也名為避荒亦有避役盡法究問不過逃民逃軍
耳別無作惡拒命實跡此遼人之罪狀也臣等皆親
詣海上目擊其事徧訪其情欲題請盡行勦滅其事
無難但罪未至死有傷

朝廷好生之德抑恐餘孽漂流行劫海上或構他虞置

之不問則東海肘腋之下各島多係版圖豈容自食其力不隸王化遼東累年勾攝既難如意山東虛文羈縻終非永圖先該巡按御史周詠題稱衆論不一惟遣歸并附籍為得策附籍安插惟吾之所處尚可制其死命潛消默化久之遼人即東人也確議上策非他可及副使董世彥竭忠籌畫中策寔前上策潘允端極力撫處恩宣而威自振所據各項事宜臣等會同再三斟酌損益釐為八事開坐具題伏乞勅下兵部再加查議如果臣等所言不謬俯賜施行庶漸消癰腫為肌膚以化島嶼為版圖矣奉

聖旨兵部知道欽此欽遵抄出送司案呈到部看得巡撫山東都御史梁夢龍巡按山東監察御史張士佩會題前因大率謂青登萊三府海島潛住逃人遼東累年勾攝既難如意山東虛文羈縻終非永圖博采司道之三策條畫撫處之八事欲要附籍安插漸消癰腫俱已停妥合就開立前件議擬上請定奪隆慶五年九月初五日題奉

聖旨依議行欽此

一曰定分管看得齋堂等二十島分隸諸城等州縣化島嶼為版圖殊為有見合悉如擬施行

二曰嚴保甲看得各島總保保長既編停當以後鈐
轄有方合悉如擬施行

三曰收地稅看得各島熟地每畝止徵銀五厘輕而
易辦可以永遠合悉如擬施行

四曰查船隻看得各島船隻收處稅銀計處已當但
擅用雙桅遠泛海洋逼近朝鮮致惹別帶二事必須
嚴加禁戢餘悉如擬施行

五曰平貿易看得遼人既為編民一切貿易委當與
土人彼此均平以示一體之意合悉如擬施行

六曰專責成看得安輯撫綏必當責成兩道并備倭

都司方有統紀一切事
各悉如擬施行

亡曰脩哨船看得海道
哨無船比之中原捕捉無
馬尤為不同應用銀兩
准如數動支脩造餘悉如
擬施行

八曰杜續逃看得各島
久插既定遼人觀望者續逃
入島勢所必有合行遼
果撫鎮官備行該道將金州
等處海口嚴加禁約餘
悉如擬施行

覆都給事中章甫端
寸請增武舉額數疏

題為總乞

聖明特增武科額名以廣羅
材事職方清吏司案呈奉

本部送兵科抄出兵科部給事中章甫端等題又該
江西等道監察御史吳允憲等題為乞增廣武舉名
額以開賢路以羅將材事俱奉

聖旨兵部知道欽此欽遵抄出送司查得武舉歷科事例
嘉靖二十九年三十二年俱取中官生九十名三十
五年取中官生八十名三十八年四十一年俱取中
官生八十五名四十四年取中官生九十名又查得
隆慶二年該兵科都給事中張鹵等題為懇乞

聖明特增武舉額名以廣羅材事內稱欲將武舉三試
就晚之日召試者其意是似可中式者于近科九十名

外量增新額等因該本部議擬備行考試官將今次武舉堪以中式者照例分別邊方腹裏于近科九十名外多取數十名臨時開具請旨

宸斷量增新額其取中武舉遵照

世宗皇帝欽定資格量材叙錄仍分邊腹挨次推用覆奉聖旨是欽此又該本部題為武舉事准翰林院掌院事侍讀學士諸大綬等手本開稱取定堪中邊方腹裏官生正副試卷等因到部隨該本部題奉

聖旨着取一百名欽此欽遵外今該前因通查案呈到部看得兵科都給事中章甫端等題稱疆場多故將領

乏人欲照隆慶二年增額一百名或更量增數名又該江西等道監察御史吳從憲等題稱欲將今歲武舉增廣名數即時注銓及稱弓矢精熟而論策踈拙者則取其技能弓矢粗閑而論策優通者則取其謀略各一節為照武舉一科專為網羅將材不敢謂拔十得五止得一二即可為脩攘之具唐之郭子儀宋之高志寧真其人也但求材貴廣用材貴時所以兵科諸臣與監試二臣一時所見不約而同況今南寇告捷北虜款塞輔臣欲要及時力脩內治脩內之方此其要務合候

命下本部備行考試官將今次武舉官生參酌弓馬策論
比之上科多取名數臨時開具聽臣等具題恭候
聖裁其取中官生本部照例分為邊腹二項遇有員缺即
便以次推用隆慶五年九月初六日題奉
聖旨是欽此

覆右給事中宋之韓條陳計處兵戎疏
題為懇乞

聖明嚴飭臣工乘時大脩內治以隆 聖化事職方清吏
司案呈奉本部送吏科抄出吏科右給事中宋之韓
題奉

聖旨該部知道欽此欽遵抄出送司查得隆慶四年十月
內該巡視京營湖廣道監察御史王友略題為懇乞
聖斷早復京營舊制以一事權以圖萬世治安事又該兵
科都給事中溫純等題為營制屢更統帥不一懇乞
聖明亟賜裁定以正事權事併該本部看得自三營各設
文武提督以來意見各殊議論紛起人情用事體委徇
不便既經各官具題前來相應依擬恭摺
命下將三大營遵照

先帝欽定營制仍命勲猷茂著武臣一員以為總督文臣
一員以為協理各營副將叅遊等官照依近議分屬

統領着實訓練務臻實效等因題奉

聖旨這營制你每既酌處停當都依擬行欽此查呈到部
看得吏科右給事中宋之韓題稱前因大率謂大臣
不肯任事小臣不修實政言官言輕除錢糧刑獄學
校城池水利等事係別部掌行各另議覆外其稱兵
戎則要城守務實軍馬強壯善處家丁訓練快壯鄉
夫及將京營再委本部侍郎一員與總協之臣相輪
督率每操兩營二日即止少蘇軍力各一節為照兵
戎之政在內則在樞筦之臣在外則在封疆之臣樞
臣執其綱領之大守臣盡其節目之詳內外相資方

克有濟除臣等受恩深重不敢不勉力任事外至於邊防要務全在封疆之臣所據脩城守強兵馬處家丁練壯快訓鄉兵等事查與大學士高拱等建議大略相同其京營規制折衷甫定總叶二臣似足以辦理其事若又加本部侍郎一人未免反成掣肘且侍郎各有九門昌平通州提督之

命亦難摘離既該給事中宋之韓具題前來相應通行議擬合候

命下本部通行南北直隸十三省及沿邊沿海督撫諸臣嚴督各該將領司道有司查照本部先今題覆事理

即將戎車
精強家丁
忙快鄉夫等兵
附宜教習
其各該鎮
戰守事宜
遵照新奉

勅諭從實舉行
若臣等與大小臣工
敢有仍前不肯任事
不脩實政者
許科道官及各巡按御史
指名叅奏從
重究治
隆慶五年九月十四日題奉

聖旨是欽此

覆宣大總督尚書王崇古請錄三鎮貢市效勞邊
臣陞賞疏

題為遵奉

明旨恭報北虜三鎮互市事完昭恩信以慰華夷事職方
清吏司案呈奉本部送兵科抄出總督宣大山西等
處地方軍務兼理糧餉太子少保兵部尚書兼都察
院右副都御史王崇古題奉

聖旨兵部知道欽此欽遵抄出送司案呈到部看得總督
宣大山西軍務太子少保兵部尚書王崇古題稱隆
慶五年分宣府大同山西三鎮北虜入貢互市俱已
報完邊境無虞華夷胥慶乞要將內外効勞人員通
行錄叙以勵人心一節為照茲錄首包藏禍心流
毒邊徼席彼上世之桀鰲士馬精強用我中華之叛

逆智術詭譎小則俘人掠畜大則陷郡攻城無一歲
不擾于疆場無一鎮不遭其蹂踐頃者天厭其兇神
奪其魄

皇仁無外幼孫慕義而來王

聖武維揚老酋稽顙以款塞當是之時發言盈庭有同桀
室仰賴

聖皇在上廣離照之明運乾剛之斷納輔臣之嘉言任邊
臣之宣力遂使貢市告成華夷胥慶傾巢舉落感德
爭先鬚首椎髻畏威恐後二百年之寇一旦歸心數
千里之邊三秋安堵大省轉輸之費允底蒸民之生

仰視

太祖驅逐之光

成祖犁庭之烈先聖後聖真同一揆所據一時諸臣固不敢貪天之功以為己功但惟化成咸賓功收不戰相應懋賞以示激勸在內則如大學士高拱張居正殷士儋用夏變夷竭忠體

國一德咸有共輸入告之猷九塞同清茂著外攘之績狄武襄威行嶺表寔維龐藉之功後將軍旅振金城允賴魏相之力中外咸推法當首叙在外則如總督尚書王崇古銳志匡時赤心報

國督戰五堡酋首之膽已寒文告一章醜類之心盡服
任人所不敢任之事始終獨見其擔當成人所不能
成之功番漢均切於愛戴公論大明法當特叙巡撫
大同都御史劉應箕力贊貢封成信已揚於閭外經
略互市壯猷益著於師中法當優叙巡撫山西都御
史楊綵矢心調度事成格遠之功巡撫宣府都御史
孟重注意經畫竟樹安邊之績法當併叙總兵官馬
芳趙岢郭琥分閫龍沙均稱虎將雖封貢之議初有
異同而互市之成終多幹濟止擬賞賚似屬未盡其
餘効勞大小文武臣工總督官知之既真劑量斟酌

俱已允當相應通行依擬合候

命下將大學士高拱張居正殷士儋厚加陞賞世廕王崇古特加陞賞仍與優敘劉應箕同加陞賞楊綵孟重量加陞賞馬芳趙竒郭琥併加陞賞副使申佐叅議崔鏞俱加陞賞副使朱裳蔡可賢僉事許希孟陞俸優賞副使廖逢節叅政紀公巡叅議何棨韓宰知府程鳴伊布政史直臣于錦叅政孫枝叅議李鶚僉事張希稷趙世相姜廷瑤知府李遷梧推官張簡郎中陳九仞主事姜宥俱加優賞副叅等官麻錦劉國孫吳揚爾干俱加重賞內麻錦仍與陞級楊爾干准復

祖職趙伯勳仍復副總兵職銜出世威准復祖職陳
議准復原職常齡周應岐康綸俱准錄用鮑崇德李
寧各陞級世襲仍與趙伯勳等通加賞賚序班馬繼
志量授一級郎中等官吳善言楊愈茂馬呈書孫緒
先陳寵張鳳羽柳世謙邊拱羅許尹祺丁世臣吳守
節西乾叅遊等官原於天李浹等五十四員俱加賞
資內吳昆周堂呂和張珍高蘭仍准叙用楊亮胡天
伏程光祖金奉俱量陞俸級張咸准免調衛奚元准
復原職劉寶林角馮詔方琦珊瑚安天角郭斌瓦四
各給冠帶知州等官嵇顓等十七員叅遊等官劉滋

等七員俱加量賞書吏游良鑑等十一名咨送吏部
優敘馬鎮張士魁准給冠帶秦學加陞三級崔沾等
六十一員江如祺等一十二員楊一名等一十七員
俱聽總督軍門分別搞賞至於臣中虛與郎中臣緝
雖嘗與聞其政待罪樞筭職分之常不敢槩叙以瀆

天聽但 恩典出自

朝廷臣等未敢擅擬伏乞

聖裁隆慶五年九月二十二日題奉

聖旨北虜臣服邊境緝寧該鎮各官効有勞績王崇古加
太子太保給與應得誥命賞銀四十兩紵絲二表裡劉

應箕陞俸二級楊綵孟重各一級賞銀二十兩紵絲二
表裡馬芳趙奇各陞實職一級并郭琥各賞銀一十兩
紵絲二表裡申佐崔鏞各陞一級朱裳等各陞俸一級
并廖逢節等還各賞銀十兩麻錦等各賞銀十五兩麻
錦還陞實職一級鮑崇德李寧各陞一級世襲還與趙
伯勲等各賞銀十兩吳善言等各賞銀八兩楊亮等各
陞俸一級嵇巔等劉滋等各賞銀五兩其餘都依擬本
兵及該科經畫建議均有勤勞楊博賞銀五十兩紵絲
二表裡谷中虛三十兩二表裡王緝賞銀十兩遇有京
堂員缺推用章甫端陞俸一級還賞銀十兩欽此

覆薊遼總督侍郎劉應節等議調取南兵事宜疏
題為懇乞

天恩俯容入衛兵馬番休以甦疲鎮等事職方清吏司案
呈奉本部送兵科抄出總督薊遼保定等處軍務兼
理糧餉兵部右侍郎兼都察院右僉都御史劉應節
整飭薊州等處邊備兼巡撫順天等府地方都察院
右僉都御史楊兆題俱奉

聖旨兵部知道欽此通抄送司案呈到部看得薊遼總督撫
官劉應節等條陳八事均為調取南兵而發合就開
立前件議擬上請隆慶五年九月二十四日題奉

聖旨依議行欽此

一議請取兵監軍題稱欲要選差錦衣衛或部司一員監軍一節查得隆慶二年召募南兵三十名該本部覆奉

欽依特差錦衣衛廉能千百戶官二員一員前導預備舡隻一員尾後隨路催督即今召募之數反倍於前監軍官員似不可缺合無備行錦衣衛遴選廉能官一員前去浙江地方給散各兵安家銀兩催取舡隻監察將官不許怠玩騷擾反誤重事

一擬用統兵將領題稱原任叅將王如龍遊擊將軍

金科楊文都司僉書朱珏屢立戰功皆嘗因事參論
欲要俱准充為事官委用無非使過之意合無依其
所擬備行福建巡撫衙門將王如龍等四員作速督
赴浙江通聽副將胡守仁管理各募南兵一枝統領
前來薊鎮軍門聽候調度

一擬領兵頭目題稱召募南兵九千分為四營擬充
中軍官陳文澄等四員充千總陳子鑾等一十二員
充把總陳子芳等二十四員隨同副將前去查係間
外應行事宜難以中制合悉如擬施行

一議給安家銀兩題稱各兵安家銀兩欲要責委文

官隨募隨給仍請浙江巡撫親自閱發委為鼓舞將士第一機括合無悉如所擬備行浙江巡撫衙門查照施行事完之日具由回奏

一新兵舡隻限期題稱南兵遠來必假舟楫欲要先行期預備及定立各兵起程日期俱已停妥合無備行准楊浙江各巡撫衙門嚴行各該有司預將舡隻取辦停當派貼分明候胡守仁等依限督發各兵起程不許遲悞事完之日各另具由回奏

一歸兵應付舡糧題稱願回南兵不支行糧每名就於工食銀內預支一兩五錢充賞充費責令十月初

旬統赴通州于浙江蘇松等處應回空舡每舡量派
二三十名協同拽舡兩得其便其取兵官共用勘合
五道俱屬相應合無依其所擬備行該鎮將勘合徑
自填給仍行漕運衙門責成兩浙江南運糧把總會
同胡守仁等將各兵逐一分派帶回不許刁勒參差
一赴戍將官職俸題稱浙江指揮千百戶等官赴戍
本等職俸俱在原衛關領並無開於薊鎮今本處坐
以重冒拘執家屬監追欲要釋放及備行福建浙直
各省督撫衙門凡遇應處事宜協力施行各一節合
無依其所擬備行浙江巡撫衙門將指揮等官陳文

治等俸糧通行照常關領如有已追在官者仍准補給未經追奪者免追家屬盡行釋放仍備行浙直福建各省督撫衙門凡遇應處事宜速為施行不許自分彼此致誤事機

一議處南兵器械題稱南兵器械不敷北方處置不便欲要動支民兵銀五千兩給付胡守仁前去浙直置辦鳥銃筴筴藤牌等項器械事體相應合無依其所擬聽總督劉應節照數給發前去置辦事完備將用過銀兩置造器械造冊具奏青冊送部查考

覆太僕寺卿王治等酌議馬政疏

題為議舉馬政事車駕清吏司案呈奉本部送兵科抄
出太僕寺卿王治等題奉

聖旨該部知道欽此欽遵抄出送司案呈到部看得太僕
寺卿王治等總陳馬政治本之略條陳馬政治標之
目除治本之略另行酌議治標之目如嚴庫藏一權
衡二事係隸工部掌行移咨徑自議覆外所據惜財
用議徵解專責成革宿弊等四事均於馬政有裨合
就開立前件議擬上請定奪隆慶五年九月二十六
日題奉

聖旨是欽此

一曰惜財用大率謂本寺積貯馬價椿朋等項銀兩專備買馬支用不宜輕發近該禮部題討椿朋銀五千兩賞夷應用乞要昭數補還仍行各邊臣處置戰騎不得專靠內給耗帶國馬無非慎重馬政之意令無依其所擬本部移咨禮部查將原借椿朋銀五千兩速于賞夷應用動銀內照數補還仍通行各邊督撫衙門遇缺戰馬各要查照舊例或取監死孳牧或動椿朋買補多方處備以資征戰不得專靠內給致滋耗費

四曰議徵解大率要將明年各州縣折色馬價銀兩

就於各府通行驗收分交隔別府判限同封貯各府
不許動支以後但折馬價每年各府差州縣佐貳
官一員類解本寺次一年仍貯各府而內外庫藏充
實萬一急用馬匹聽內外各行買解則馬不致騰貴
而折色賴以兼濟一節為照本寺設立常盈庫專為
積貯馬價以卿一人主之少卿三人分理之官更吏
代尚費勾考若分貯各府中外隔絕未免益滋弊端
且地方去京各不甚遠萬一收買馬匹取之寺而發
之府決旬可到前項事宜止應照舊令無創行該寺
將隆慶六年應徵折色馬價銀兩通行所屬仍照

合無依其所擬劄行該寺通行各府掌印并管馬通判以後務要盡心職務通判仍不許營幹別差有妨馬政遵照舊例每年十月終親自赴部掣取總批該寺年終分別勤惰特疏舉刺然此止為馬政一事雖與撫按異同自不相碍

六曰革宿弊大率謂養馬解馬往年京師積年馬販歇家醫獸作弊人等已經盡行禁革吏胥自難售其奸欺若得種馬寄養州縣正官編派均平催徵得法而馬戶可以息肩乞要今後將州縣正官除東西兩路少卿年終舉劾外或有志肆政弛弊戢民怨者悉

官參論其各省有馬政大壞去處即便題差寺
云比較無非重事權以飭馬政之意合無依其
創行該寺通行各府種馬寄養州縣掌印正官
如有不盡心馬政致廢職業者悉聽該寺卿戒
飭參論其馬政大壞去處題差寺丞前去比較

覆陝西總督都御史戴才等議脩邊政疏

題為虜衆內附邊患稍寧乞及時大脩邊政以永圖治
安事職方清吏司案呈奉本部送兵科抄出總督陝
西三司道軍務都察院右都御史兼兵部右侍郎戴才
巡撫延綏等處地方贊理軍務都察院右僉都御史

部光元題俱奉

聖旨兵部知道欽此欽遵通抄送司案呈到部看得總督
陝西三邊軍務右都御史戴才巡撫延綏右僉都御
史邵元先會題條陳議衛兵脩邊垣嚴勾補俱係邊
防要務合就開立前件議擬上請定奪隆慶五年九
月二十九日題奉

聖旨依擬行欽此

一議衛兵查得該鎮衛兵近該總督薊遼侍郎劉應
節等具題該本部覆奉

欽依自今歲為始將延綏衛兵四枝寧固二枝各分為兩

班每歲在薊者即以十一月中旬放還期至歲暮
家在延綏寧固亦以十一月中旬起程至歲暮抵鎮
不必見面交代前項兵馬務選精銳每枝仍舊二千
二百此外再加兵四百五十更代標兵與同大營一
體往還其原留備冬兵馬薊鎮督撫官暫撥標兵代
之各兵至薊之日專一訓練悉免工作舊規犒賞銀
七錢再加三錢每名共一兩上下半年分為二次支
給但有馬死者通支本色行糧以恤其困等因已經
通行遵照去後乃今戴才等所奏查與本部題覆事
理相同無容再議合無備行督撫等官查照施行

一脩邊垣題稱該鎮邊垣東西相距一千五百餘里
共分三段自定邊營起至龍州城為西段自龍州城
起至雙山堡為中段自雙山堡起至黃甫川為東段
其西段一帶每年脩築有緒可杜侵擾東段工應剋
削神木堡宜加高厚已經督行各道并各將領併力
脩築至于中段迤西有夾道之田又為徑入米綏要
路迤東有炭窯之利萬戶炊爨賴之工當喫緊要將
本鎮園地糜糧等銀作為塩菜給軍脩築及稱隆慶
六年借西段春工財力同脩中段各一節計處俱已
允當合無依其所擬備行戴才等將本鎮園地糜糧

等銀三千七百兩如數動支選委廉能才幹官員先
西次東及時修築務使堅固高厚足堪防守如工力
重大錢糧不敷應議處者徑自議處應奏請者作速
具奏通候大臣至日查閱

一嚴勾補題稱該鎮額軍多係延慶二府所屬州縣
人民奸頑通同里書有司聽從破調以致行伍日虧
欲要嚴行清勾照例查叅獎薦一節查得先該巡按
直隸御史孫代具題該本部議行各該清軍副使嚴
行府州縣正官上緊清解差滿之日將各該清軍官
員通以十分為率少五分者住俸少八分者指名叅

奏照例起送赴部降級調用全少者叅劾罷斥首完者特加優薦已經題奉

欽依外乃今戴才等所奏查與御史孫代原奏大略相同合無依其所擬備行戴才等查照所議行令河西守巡兵備各道分投單發各府州縣衛所將逃故軍士作速清勾倒換馬匹作速買補務足原額每年終將各掌印清軍官計其所屬逃故數目分別查叅罰俸降調清完者照例獎薦其解到軍士責令着實訓練務求人人精熟足堪戰守通候大臣至日查閱

覆陝西總督都御史

戴才議處

夷疏

題為議處安插番夷以防虜患事職方清吏司案呈奉
本部以兵科抄出總督陝西三邊軍務都察院右都
御史兼兵部右侍郎戴才題奉

聖旨兵部知道欽此欽遵抄出送司案呈到部看得總督
陝西三邊軍務右都御史戴才題稱查議過肅州二
衛各族番夷乞要遷移空堡安插約束其總理撫治
等項事宜肅州該道毅然自任甘州欲責局捕都司
兼攝官不曾加職亦從重揆之夷情事體俱屬長便
各一節為照甘肅地方番夷雜處而肅州番部尤多
於甘臣博往年巡撫之時已題奉

欽依移住境外金塔寺等處至今二十餘年不知何故又容其入內分住春秋之義外而不內疎而不戚既該總督官裁奏勘議前來俱已停妥相應依擬合候

命下本部移咨新任巡撫廖逢節會同戴才再加酌議如果別無異同即將肅甘二衛地方見住番夷行各該司道遷移原議譚家等處空堡安插分立界石籍名約束其總理撫夷官肅州聽甘肅兵備道督令大小委官撫治甘州責令行都司局捕都司不妨原務兼理分巡該道一體撫治各分理大小委官仍照舊規選委責成應官脩堡牆夷寨寺院并禁諭等項事

宜悉如所擬施行隆慶五年九月二十九日題奉

聖旨是欽此

申飭薊遼防禦疏

題為傳報夷情事職方清吏司案呈奉本部送准總督
薊遼保定等處軍務兼理糧餉兵部右侍郎兼都察
院右僉都御史劉應節揭帖據太平寨遊擊楊秉忠
稟據喜峰口守備鄒軻稟本年九月二十三日巳時
據原差尖哨陳甫宋隆二名進口報稱役等於本年
六月初十日探得東虜頭兒大成把漢禿正等帶領
黃達子約一萬有餘已到地名勾連陸續行走聽的

明說要搶遼東地方暗說要犯界嶺口義院口東西一帶地方役等得此連夜來報等因轉稟到職據此除本職親統標兵即日前赴建昌就近調度外理合揭報等因到部送司案呈到部看得前項傳報虜情聲雖在于薊西意實在于遼東秋高之時極當慎防但揭內止開禿正聚兵未見土蠻向往若使遠自邊外突至薊西古北口等處關係腹心尤所當慮合候命下備行總督劉應節斟酌地方重輕虜情急緩於適中去處督同鎮巡兵備等官相機調度務中機宜本鎮與別鎮不同一牆之外即為虜穴應用兵馬即便遣

發應支糧草照數支給以後虜雖不敢近牆支過糧
料草束不得拘於近例扣除還官以致掣肘本部仍
咨戶部知會及咨都察院轉行查盤御史勾考施行
隆慶五年九月二十九日題奉

聖旨是欽此

陞陝西查盤御史蕭廩條議甘肅兵馬事宜疏

題為條議甘肅兵馬事宜以裨大計事職方清吏司案
呈奉本部送兵科抄出巡按陝西監察御史蕭廩題
奉

聖旨兵部知道欽此抄出送司案呈到部看得巡按陝西

監察御史蕭廩條陳五事專為經略河西合就開立
前件議擬上請定奪隆慶五年十月初六日題奉

聖旨依擬行欽此

一額兵看得巡按御史蕭廩所陳甘肅兵勢單弱勾
募二班既已難議而抽選新軍多係重役內有一戶
四丁而應三軍者有一戶二丁而應二軍者委為苦
累欲亟議處毋致逃竄一節合無依其所議咨行新
廖逢節即查本鎮抽選新軍每戶共有若干
幾軍通融均抽不許重役偏累

看得巡按御史蕭廩所陳甘肅班軍額設七

千有奇近緣催班補班之法漸至廢弛故脫班數多
欲行撫臣調停工役禁約科索及扣糧獎勸各一節
合無依其所擬備行新任巡撫廖逢節通行守巡兵
備該道嚴數目各該催班官員務要依期督軍上班如
有脫班者照例扣追月糧解發該鎮充召募之用巡
撫官仍要在上班之時寬假工役以恤其力禁緝科
索以恤其財其領班官有能優恤軍士不致脫班者
許兵備道呈詳撫按厚加獎勸

一奇兵看得巡按御史蕭廩所陳欲將鎮城奇兵仍
復改駐高臺一節為照甘州鎮城番族錯居回夷雜

處原設奇兵與正兵同住於內無非居重馭輕強幹弱枝之意先年移駐高臺殊失建置之宜近日仍歸鎮城甚得彈壓之義相應照舊

一差遣之兵看得巡按御史蕭廩所陳該鎮舊規自丞尉以上必差遣兵馬為之津衛凡出百里即支糧料至於迎則候至旬月之久送則遠至千百里之外勞費其大欲要禁止惟責成信地官員一節事在彼中合無咨行新任巡撫廖應節徑自隨宜酌處施行一遊擊之兵看得巡按御史蕭廩所陳將鎮城遊兵二百八十調入甘肅營充易涼州數中四百以歸涼

莊營量撥三百以還西寧其莊浪係遊擊地方所有
掣回之兵比照鎮番量撥五六十名入營今後西寧
有警遊擊上許應援不必防守各一節委曲調停人
情允便但事干軍馬必須撫鎮官會議攸同方可經
久合無備行新任巡撫廖逢節會同總兵官查照御
史今議徑自酌處施行

覆巡撫貴州都御史阮文中等撫定安國亨等疏
題為仰仗

天威撫處逆酋驚服遯境底寧事職方清吏司案呈奉本
部送兵科抄出巡撫貴州兼督湖北川東等處地方

提督軍務都察院右僉都御史阮文中題奉

聖旨兵部知道欽此欽遵通抄送司卷查隆慶元年十二月內該貴州撫按官杜拯等題為地方事內稱安國亨縱母興兵越境讐殺緣由本部覆議將安國亨斬行革去冠帶仍咨貴州巡撫諭令痛悔前非越過東川兵馬勒限回巢如果罷兵息民聽巡撫官奏請復其冠帶題奉

聖旨是欽此隆慶三年十一月內該貴州巡撫趙錦題為查叅暴惡土酋以安地方事本部覆議移咨巡撫王諍會同巡按御史即將安國亨并撥置奸徒王承詒

等通行擒拏到官備將前項違法事情逐一審究問擬如律以正法曲如明文未到之先本舍如果聽其撫諭散兵待罪亦許酌量議處會本具奏如再抗違不服即調四省官兵速行剿除題奉

聖旨是欽此隆慶四年四月內該兵科都給事中溫純等題為將臣輕率生律撫臣謀慮太疎致損軍兵乞

賜嚴究并圖善後事宜以振軍威事巡按貴州監察御史蔡廷臣題為將臣輕敵取敗軍兵損傷甚多乞

賜重究以振軍威以安地方事巡撫貴州右僉都御史王諍題為自効不職并叅主將無能縱子貪功致損軍

威事俱該本部覆議將失事總兵官安大朝提解來京究罪或念其始事忠勇姑從輕革職戴罪殺賊立功如果安國亨罪重難容一面徵調湖廣四川雲南等處土漢官兵或調兩廣報效精兵刻期剿平仍一面飛報本部以憑查處倘安國亨奏辯有因亦許明白聲說節奉

聖旨是安大朝着革了職戴罪殺賊立功欽此隆慶五年三月內該貴州巡撫阮文中題為定

廟謨請錢糧酌撫剿以革國威事內稱責令國亨送出撥置奸犯賠償安信等人命倍還損費兵糧安插阿

僞母子削奪國亨職銜將伊男權替若能遵此五議
姑從寬宥等因該本部覆議遣差科臣一員前去查
勘若使國亨之罪不止家門如或阿傀所言有干背
逆即動見請兵糧大加征討萬一阿傀之言不免膚
愬國亨之罪止於家門向者殺害損傷變在激成不
為無故亦將僞亨撥置生事人員從重問擬題奉

旨是欽此六月內該貴州撫按官阮文中等題為仰仗
天威撫處逆酋龔服邊境底寧事該本部覆議移咨貴州
撫按官查照今題事理再加詳酌若果安國亨實心
悔過畏罪求生囚首面縛投官聽處即明白請乞

天恩姑從寬宥饒其一死其撥置起釁人犯究問真實明
正典刑節奉

聖旨是欽此俱經通行欽遵去後今該前因通查案呈到
部看得巡撫貴州都御史阮文中巡按貴州監察御
史鄭國仕會題稱勘得土舍安國亨等止緣家門私
隙構兵相戕詳究事因初無叛志見今投見軍門垂
首伏罪約示五章一一聽從初跡似應罔赦今情不
無可原欲將安國亨姑置不死削奪職銜俾其退閑
省過令伊子安民代管宣慰事務仍照邊方夷俗罰
治贖罪安國亨祿氏照例共罰銀三萬五千兩務卒

惡平白儒怯阿豆阿旺阿爾等一筆舉以爲

千兩撥卒等六名又與阿戶阿三以爲阿體贖罪銀

各一百兩俱於安國亨名下追納已死安信係安國

亨堂叔從重償銀一千兩卜麻等五名各二百兩外

量賠安智房屋銀二百兩俱於前銀內支給安智領

收賠殺家屬以爲養贍營葬屋價之資餘銀發庫收

貯其安智退閑伊子安國貞替充頭目照舊住管卧

這阿傀織今地方仍與疏窮共罰銀二百兩安國孝

罰銀三十兩委官二員一住大方一住卧這以防二

家覺端如敢再圖報復即調官兵夾剿及問擬阿弟

等死罪充軍及稱効勞諸臣僉事沈聞功蹟獨多所
當首錄叅議曹司賢林澄源副使李鳳都司薛近宸
胡大賓原任叅將何自然原任都司徐勲併當優錄
知府李漢薛紹等俱應賞賚在巡撫則又稱先任巡
按御史蔡廷臣曲示禁諭之令漸解搆隙之兵今任
巡按御史鄭國仕懷懷夷安夏之心切同舟共濟之
義皆為首功但拘於明例非敢議擬在御史鄭國仕
則稱都御史阮文中責成五事制服二兇遂使數千
夷禍一旦永消皆其運籌之功各一節除効勞諸臣
另本議處及奸犯阿弟等係干刑名移咨法司徑自

議覆外為昭土舍安國亨叨膺司長輕視王章聽撥
置之奸徒淫收賤婦逞貪殘之兇態剝削夷酋信母
氏則擅弄兵權大違法紀仇宗親則肆行戕殺滅絕
彝倫及其

天討有臨復敢擁兵自固即今北虜獻琛父子交臂而款
塞南酋納土祖孫對面以就刑

天威所在如雷如霆蠢茲小醜魚遊鼎釜之中燕巢幃幕
之上假息餘生其何能為叅詳罪狀必須拏解來京
亟加顯戮方為盡法乃今撫按官會題稱事起家門
之私憤禍皆奸黨之釀成拜將稱王詞出誣執攻城

毒祖事屬杳茫拘執族人安繼恩素書安國貞今已
送出無恙占恠奸徒王實吳瓊吳彩今已解獻到官
本犯且投見軍門囚首伏罪責成五事一一遵從據
今日悔過之迹情似可矜至於安智野悍無謀昏庸
尤甚迹其逞憤虐劉夷目之罪不減國亨魚肉宗戚
之兇但抱弟之冤情切手足拽兵之釁意在復讐其
情更在可矜合無俯從守臣所擬將安國亨祿氏等
姑免一死安國亨削奪職銜俾其退閑省過責令伊
子安民代管宣慰事務安智並疏窮安插原管地方
亦令伊子安國貞代充頭目催辦一應錢糧其比照

邊方夷俗罰贖銀兩等項行該省撫按官查照原
徑自施行仍委官二員量帶防守分駐大方卧這地
方嚴加監察若敢再逞私讐互相報復定行闊族剿
殺改土為流永除禍本惟復仍將安國亨賞之重典
以為各邊土夷之戒但生殺出自

朝廷臣等未敢定擬隆慶五年十月初十日題奉

聖旨安國亨兇惡干紀本當動兵剿戮既投見伏罪遵奉
約束并祿氏等都且饒他一死文國亨着革了任閑住
令伊子安民代管宣慰事安智也着伊子安國貞代充
頭目如再違法構亂定行剿治不饒其餘依擬欽此

覆貴州撫按阮文中等勘處安國亨功賞疏

題為仰仗

天威撫處逆酋讐服邊境底寧事職方清吏司案呈奉本部送兵科抄出巡撫貴州兼督湖北川東等處地方提督軍務都察院右僉都御史阮文中巡按貴州監察御史鄭國仕題同前事俱奉

聖旨兵部知道欽此欽遵通抄送司案呈到部看得巡撫貴州都御史阮文中巡按貴州監察御史鄭國仕各題稱勘處土舍安國亨事結所有効勞諸臣如僉事沈聞功績獨多所當首錄叅議曹司賢林澄源副使

平鳳都司薛近宸胡大賓原任叅將何自然原任都
司徐勳併當優錄知府李濮薛紹指揮馬應龍丘東
陽王道行冠帶土舍宋一清都事孫東魯驛丞萬謙
俱當分別獎賞中軍指揮劉守爵原任守備巴陞史
淮姚紹武都指揮楊伯喬指揮芮潮何曰仁夏尚忠
戴恩萬里鵬千戶宗綬秦爵梅商用原任把總陶啓
中均當酬賞指揮李時榮孫韜鎮撫蔡兆吉千戶倪
世臣李長榮王仕魁百戶王正邦朱文善王大倫朱
維翰李鳳翱舍人王養賢主卿鄉導平惠陸八十桂
朝陽向承祖張甫土舍宋璽宋一深等俱應賞資在

巡撫則又稱先任巡按御史蔡廷臣曲示禁諭之令
漸解構隙之兵今任巡按御史鄭國仕懷攘夷安夏
之心切同舟共濟之義皆為首功但拘於明例非敢
議擬在御史鄭國仕則又稱都御史阮文中責成五
事制服二兇遂使數年夷禍一旦冰消皆其運籌之
功各一節除土舍安國亨等情罪另本覆議巡按御
史例不論功不敢槩及外為照貴州宣慰之事原以
家門私憤互相讐殺先任守臣失於審處在巡撫則
輕察寡謀在總兵則貪財嗜利幾至釀成大變幸賴
聖皇在上嘉納密勿之猷明見滄海之外始沛允格臣之

請兵已折其驕悍之氣既而遣科臣以體勘益服其
反側之心以故二酋不勝震恐囚首待罪一時地方
官員固不敢貪天之功以為己功但事關激勸似當
稍為論叙即如巡撫都御史阮文中開五事以責成
致二兇之驚服多方指授雖出於貴閣之臣百爾經
營寔竭其赤心之義并其餘官舍人等既該彼處會
題前來相應通行依擬合候

命下將阮文中特加賞資沈聞厚加賞資曹司賢林澄源
李鳳薛近宸胡大賓何自然徐勳同加賞資李濮薛
紹馬應龍丘東陽王道行宋一清孫東魯萬謙劉守

爵巴陞楊伯喬為潮何曰仁史淮宗綬泰爵姚紹武
陶啓中夏尚忠戴恩梅商用萬里鵬量加賞資李時
榮等二十員名俱聽巡撫衙門分別犒賞隆慶五年
十月初十日題奉

聖旨是阮文中賞銀三十兩紵絲二表裡沈聞二十兩曹
司賢等各十五兩李漢等各十兩欽此

覆巡撫甘肅都御史楊錦等嚴禁搶奪疏

題為虜患緊急預報戰守以保邊圉事職方清吏司案

呈奉本部送兵科抄出巡撫甘肅地方督理軍

務都察院右僉都御史今丁卯題又該兵

科都給事中章用賢等題為申飭夏大防預明
守以便責成事俱奉

聖旨兵部知道欽此欽遵通抄送司卷查本年四月內該
甘肅撫鎮官楊錦等題為仰仗

天威北虜款塞求貢借路搶番乞

賜廟議恢弘遠略以永圖安攘事該本部覆議得虜酋火
落赤把都兒等俱係西虜部落既欲求貢該鎮總督
鎮巡等官自當協心會議即使容彼入貢而夷情叵
測尤當戒嚴邊境以防變詐豈可容其聚夥成群逼
近城堡恣意騷擾相應通行申飭合候

命下本部一面移咨陝西三邊總督鎮巡等官戴才等查
照本部先今題覆事理即將該鎮虜酋乞貢事情可
否允從撫賞錢糧如何區處作速從長會議穩妥明
白具奏仍申飭各該大小將領整頓兵馬脩葺城堡
嚴禁哨備務要保障萬全一面行宣天山西總督王
崇古行令俺荅傳諭西虜無故不許近邊及指稱借
路肆行討索以啓釁端等因題奉

欽依通行欽遵去後今該前因有呈到部看得西虜銀錠
台吉搶掠番夷經由內地往甘肅撫鎮官楊錦等則
稱銀錠台吉等往來經行搶掠番夷因本鎮不與

市漸生憤怒及叅遊擊守備防守等官鄭經皮承貴等全無拒堵防禦之方乞行巡按御史查勘情罪仍行宣大軍門嚴行俺荅吉能鈴東部落再行借路搶番容總兵官將虜賊縛解吉能處置或容督兵剿殺在兵科都給事中章甫端則稱甘肅一鎮孤懸絕塞銀錠台吉駕言假道搶番焉保必無剽掠且經由日久漸成熟路誠恐虜情變詐貽患門庭乞行宣大陝西總督王崇古戴才轉行俺荅吉能等禁止各部落住守牧地恪遵成約不許藉口搶番假道騷擾以啓釁端如有犯者行俺荅等送懲治一面嚴行將領照

常防禦相機戰守勿令猖獗各一節為照河西甘涼
莊肅等十五衛所斗絕羌胡之中誠為九邊第一要
地自漢開五郡以來隔絕羌胡不使相通所以斷匈
奴之右臂即今俺荅吉能雖稱納款其互市通貢俱
在邊外舉行原無往來內地茫無界限之理所據巡
撫都御史楊錦都給事中章甫端等具題前因詞雖
不同無非申嚴夷夏大防之義相應通行議擬合候
命下本部一面移咨宣大總督尚書王崇古備行俺荅吉
能即便宣諭銀錠台吉等部落不許藉口搶番經由
甘涼等處地方因而騷擾如再違犯聽俺荅吉能照

依彼中事理從重究治一面移咨陝西總督右都御史戴才巡撫甘肅右僉都御史廖逢節即查西虜節次搶番經由去處曾否剽掠人畜彼時事體未定各該叅遊守操等官今次姑免治罪以後務要加謹哨備但遇虜騎入境即便嚴兵阻回敢有仍前怠玩誤事者聽督撫官指實叅奏從重處治隆慶五年十月

十九日題奉

聖旨是欽此

楊襄毅公本兵疏議

卷五

四

同治

楊襄毅公本兵疏議卷二十二終